

Xalq so'zi

O'zbekiston — kelajagi buyuk davlat

2024-YIL — YOSHLAR VA BIZNESNI QO'LLAB-QUVVATLASH YILI

1991-yil 1-yanvardan chiqib boshlagan

WWW.XS.UZ

E-mail: Info@xs.uz

2024-yil 1-fevral, № 24 (8647)

Payshanba

Saytimizga o'tish uchun QR-kodni telefoningiz orqali skaner qiling.



FARMATSEVTIKA

SOHASINI TARTIBGA SOLISH BO'YICHA QO'SHIMCHA TOPSHIRIQLAR BERILDI

Prezident Shavkat Mirziyoyev farmatsevtika sohasini tartibga solish, aholini sifatli va xavfsiz dori vositalari bilan ta'minlash masalalari bo'yicha yig'ilish o'tkazdi.

Dunyoda farmatsevtika sanoati kengayib bormoqda, dori-darmonlarning yangicha turlari va tarkiblarini paydo bo'lmoqda. Bu ularning sifatini doimiy nazorat qilish, nojo'ya ta'sirlarini aniqlash va tahlil etish zaruratini tug'dirdi.

Shu bois 23-yanvar kuni "Farmatsevtika sohasini tartibga solish bo'yicha qo'shimcha chora-tadbirlar to'g'risida" Prezident Farmoni qabul qilindi.

Unga ko'ra dorilar va tibbiy buyumlarni tayyorlovchi hamda sotuvchi tashkilotlar bu mahsulotlarning sifatini va xavfsizligi uchun ham mas'ul etib belgilandi. Shundan kelib chiqib, ularga nisbatan davlat nazoratini amalga oshirishning alohida qoidalari o'rnatildi.

Dori vositalari iste'moli bilan bog'liq xavflarni tezkor aniqlash va chora ko'rishga qaratilgan tizim tashkil etiladi. Buning uchun Zarur farmakologik nazorat amaliyoti — GVP standart joriy etilib, Sog'liqni saqlash vazirligida

korilarning nojo'ya ta'siri to'g'risida elektron baza shakllantiriladi. Bu haqdagi ma'lumotlarni tibbiyot xodimlari va aholiga tezkor yetkazish yo'lga qo'yiladi.

Dorilar va tibbiy buyumlarni saqlovchi bojxona va erkin omborlar bosqichma-bosqich "Zarur saqlash amaliyoti — GSP" qoidalari talablariga muvofiq lashtiriladi. Farmatsevtika tarmog'ini rivojlantirish agentligi huzuridagi Zarur amaliyotlar markazi davlat korxonasi sifatida qayta tashkil etiladi.

Teleradiokanal orqali dorilar va biologik faol qo'shimchalarni reklama qilish Sog'liqni saqlash vazirligida tashkil etiladigan maxsus kengashning xulosasi asosida mumkin bo'ladi.

Davlatimiz rahbari bu tarmoqning aholi salomatligi va iqtisodiyotdagi ahamiyatini ta'kidlab, Farmon ijrosini samarali tashkil etish bo'yicha qo'shimcha ko'rsatmalar berdi.

O'ZA.

Tahlil

TO'QIMACHILIK SANOATI: O'ZBEK MILLIY BRENDLARI JAHON BRENDIGA AYLANADI



"Paxta qulligi" o'tmishda qoldi

Bilamiz, bir paytlar paxta deyilsa, o'zbek xalqi bir seskanib tushadigan darajaga kelgan edi. Axir qariyb bir asr paxtaga favoz qilib yashashning badali og'ir bo'ldi-da. Qo'llar qavardi, qad bukildi, qadr toptildi. Millat genofondi katta zarar ko'rtdi.

Ha, zo'rma-zo'raki milliy iftixor timsoliga aylantirilib, xalq ongu tafakkuriga singdirilgan "paxta qulligi"

siyosati millat boshiga ko'p balolarni soldi... O'tgan asrning 80-yillaridagi ayanchli voqealar ham ko'pchilikka yaxshi ayon. Paxta dalalaridagi og'ir mehnat, adolatsizlik, umidsizlik hissi bukilmas iroda va metindek matonat egalari sanalmish "joni qirqta" o'zbek ayollariga jabr bo'ldi. Sabr kosasi to'lganlar orasida o'ziga o't qo'yish holatlari avj oldi.



Senat qo'mitalarida

ANDIJON VA TOSHKENT VILOYATLARIDA IJRO MAS'ULIYATI QONIQLARIMI?

Oliy Majlis Senatining Budget va iqtisodiy islohotlar masalalari qo'mitasi majlisida Andijon viloyati hududlarini ijtimoiy-iqtisodiy rivojlantirishga qaratilgan "yo'l xaritalari"ning 2023-yildagi ijrosi, Toshkent viloyatida tadbirkorlikni rivojlantirish va investitsiyalarni jalb etish bo'yicha amalga oshirilgan ishlar holati muhokama qilindi.

Ta'kidlanganidek, viloyatlarda ijtimoiy-iqtisodiy rivojlanish, aholi turmush darajasini yanada yaxshilash, tadbirkorlik ravnaqi va investitsiyalarni jalb etish borasida salmoqli natijalarga erishilgan. Masalan, o'tgan yilda Andijonda yalpi hududiy mahsulot hajmi 5,1 foizga, Toshkent viloyatida esa 5 foizga o'sgan.

Investitsiya dasturlari doirasida Andijon viloyatida 641,8 mln. dollarlik 432 ta loyiha ishga tushirilib, 30 mingdan ziyod yangi ish o'rinlari yaratilgan bo'lsa, Toshkent viloyatida 958 mln. dollarlik 763 ta loyiha ishga tushirilishi natijasida 23296 ta ish joyi ochilgan.

Andijon viloyatida 802 mln. dollarlik to'g'ridan-to'g'ri xorijiy investitsiyalar o'zlashtirilgan. Toshkent viloyatida aholining tadbirkorlik faoliyati bilan shug'ullanishi uchun keng sharoit yaratilishi hisobiga Ohangaron, Toshkent va Zangiota tumanlari bu borada yuqori ko'rsatkichlarga erishgan.

Shuningdek, majlisda hududlarda amalga oshirilgan ijobiy ishlar barobarida yechimini kutayotgan muammolar mavjudligi ham aytib o'tildi, so'z yurtitlayotgan viloyatlar, vazirlik va idoralar mas'ul rahbarlarining axborotlari eshittildi.

Xususan, Andijon viloyatida ijtimoiy-iqtisodiy rivojlantirishga qaratilgan "yo'l xaritalari" ijrosini ta'minlashda ayrim kamchiliklarga yo'l qo'yilgan. Shahrixon tumanida oilaviy tadbirkorlikni rivojlantirish dasturi doirasida muammoli kreditlar qoldigi yil boshidagiga nisbatan o'sgan, soliq to'lovchilarning budget oldidagi muddati o'tgan qarzdoligi Baliqchi, Jalaquduq, Marhamat va Xo'jaobod tumanlarida oshgan, Paxtaobod, Bo'ston va Oltinko'l tumanlarida esa nogironligi bo'lgan shaxslar uchun kvotalangan ish o'rinlaridan samarali foydalanilmagan.

Toshkent viloyatida tadbirkorlikni rivojlantirish, investitsiyalarni jalb qilish borasida muammolar mavjud. Viloyatda faoliyat ko'rsatayotgan tadbirkorlik subyektlarining soni kamaygan, onlayn-auksion savdolarga chiqarilgan bo'sh turgan yer uchastkalaridan vakolatli tashkilotlar tomonidan kelishish yoki xulosa berish muddati buzilgan, tadbirkorlik subyektlarida nazorat organlari tomonidan o'tkazilgan tekshirishlarda tartib buzilishiga yo'l qo'yilgan, shuningdek, Piskent, Bo'ka tumanlarida va Ohangaron shahrida murojaatlar soni oshgan.



Aholi murojaatlari bilan ishlash:

YECHIM VA NATIJADORLIK MUHIM OMIL

Aholi murojaatlari bilan ishlash, joylarda fuqarolar tomonidan ko'tarilgan tizimli muammolarni hal etish, pirovardida odamlarni rozi qilish davlat siyosatining ustuvor yo'nalishlaridan biriga aylandi.

E'tiborsiz, fuqarolarning muhim siyosiy huquqlaridan biri bo'lgan murojaat etish huquqini amalga oshirish uchun keng imkoniyatlar yaratildi. Joylarda barcha darajadagi rahbarlar bilan ochiq muloqotlar yo'lga qo'yilgan odamlarda muammolarni hal qilish mumkinligiga katta umid uyg'otdi.

chiqish natijasi yuzasidan va o'z hududidan saylangan xalq vakili haqida ma'lumot olish imkonini yaratdi.

Sarhisob

2023-yilda Oliy Majlis Qonunchilik palatasi tomonidan xalq bilan muloqotda bo'lish, fuqarolarning murojaatlarini o'rganish, ularni tashvishlantirayotgan muammolarni aniqlab, bartaraf etish choralari ko'rish va murojaatlar bilan ishlash natijadorligini yanada oshirish borasidagi ishlarga ham alohida e'tibor qaratildi.

Qonunchilik palatasining jismoniy va yuridik shaxslarning murojaatlari

bilan ishlash borasidagi faoliyati inson huquq va erkinliklarini ta'minlash, barcha muhim qarorlarni xalq bilan muloqot asosida va jamoatchilik fikrini inobatga olgan holda qabul qilish bo'yicha belgilangan vazifalar va chora-tadbirlardan kelib chiqib tashkil etildi.

Parlament quyi palatasi virtual qabulxonasining yangilangan ko'rinishda ishga tushirilishi saylovchilarning Qonunchilik palatasi deputatiga murojaat qilish, uni ko'rib

Ochiq muloqotlar samarasi

Hisobot yilida jismoniy va yuridik shaxslardan jami 7 281 ta murojaat kelib tushgan bo'lib, ularning 1 270 tasi Qonunchilik palatasining virtual qabulxonasi, 653 tasi Prezident virtual qabulxonasi, 1 937 tasi fuqarolar qabuli, 601 tasi esa aloqa bo'limi orqali kelgan.

Qayd etish joizki, deputatlarning saylovchilar bilan o'tkazayotgan to'g'ridan-to'g'ri ochiq muloqot va uchrashuvlari aholining xalq vakillariga bevosita murojaat qilish va muammolariga yechim topish imkoniyatini bermoqda.



Yaxshilar yodi

QADR TOPMAGAN FIDOYILIK

Sovet davri tarixiga, o'sha zamonning mas'ul shaxslariga baho berganda bugunung ko'zi, bugung ochiqlik va insonparvar siyosat mezonlari bilan yondashmaslik kerak. Qolaversa, davrning murakkabligini doim esda tutish dardkor.

Bu haqda gap ketganda, Prezidentimizning ushbu fikrlarini keltirish o'rinlidir: "Sharof Rashidov o'z davrining farzandi edi. U mavjud tizimga sadoqat bilan xizmat qildi, ammo bedodlikni qarangki, shunday odam dunyodan ko'z yumganida o'zi umr bo'yi himoya qilgan, sodiq bo'lib xizmat qilgan tuzum unga xiyonat qildi. Misli ko'rilmagan shakkoklik bilan uning xotirasini tahqirlab, jasadini ko'chirdilar, oila a'zolari va qarindosh-urug'larini ta'qib etdilar. "Rashidovchilik" degan soxta ibora o'ylab topib, uning xotirasini yomonotliq qildilar".

Ulug' vatandoshimiz, elimizning ardoqli farzandi, iltimozdagi arabobi va yozuvchi Sharof Rashidovga nisbatan qilingan bunday bedodlik uning ukasi Sahob Rashidovning

hayotini ham izzidan chiqarib yuborgani ko'pchilikka ma'lum emas. Aslini o'lganda Sahob Rashidov ismi ham yurtidoshlarimiz uchun yaxshi tanish deb aytolmaymiz.



Qonun loyihasi — muhokamada

MIGRATSIYA VA FUQAROLIKNI RASMIYLASHTIRISHDA JAVOBGARLIK CHORALARI LIBERALLASHTIRILYAPTIMI?

Yaqinda Oliy Majlis Qonunchilik palatasida birinchi o'qishda qabul qilingan — "O'zbekiston Respublikasining Ma'muriy javobgarlik to'g'risidagi kodeksiga migratsiya va fuqarolikni rasmiylashtirish sohasini takomillashtirishga qaratilgan o'zgartirishlar kiritish haqida"gi qonun loyihasi muhokamasi jarayonida bir qator masalalar ko'tarilib, ayrim normalar deputatlarning e'tiroziga sabab bo'lgan edi.

Shundan kelib chiqib, Qonunchilik palatasining Mudofaa va xavfsizlik masalalari qo'mitasi tomonidan "O'zbekiston Respublikasi fuqarosining pasporti, identifikatsiyalovchi ID-kartasi va xorijga chiqish uchun biometrik pasportning ijtimoiy munosabatlarni tartibga solishdagi ahamiyati" mavzuida davra suhbat o'tkazildi. Unda yuqoridagi qonun loyihasi deputatlar, tashabbuskorlar

ishtirokida atroflicha muhokama qilindi.

Ta'kidlanganidek, loyiha bilan yangi tahrirdagi Konstitutsiyada belgilangan muhim normalardan biri bo'lgan, u'ni huquqiy ta'sir choralari qo'llashda mutanosiblik va yetarilgan konstitutsiyaviy prinsiplarga tayangan holda ma'muriy javobgarlik choralari liberallashtirish hamda ularni aniq belgilash taklif etilmokda.



Aks sado

ISLOHOTLARDA FAOL ISHTIROK ETAMIZ



Shu yil 18-yanvar kuni O'zbekiston mahallalari uyushmasi ta'sis konferensiyasi ishtirokchilarining mahallalar faollariga murojaati qabul qilingan edi. Aytish joizki, ushbu murojaatda bugungi kunda mahallalar oldidagi ustuvor vazifalar xususida so'z borgan. Xo'sh, murojaat hududlarda qanday aks sado berdi?

Gazetaning 4-sahifasida mahalla faollarining bu boradagi fikr-mulohazalari bilan tanishasiz.

TO'QIMACHILIK SANOATI: O'ZBEK MILLIY BRENDLARI JAHON BRENDIGA AYLANADI



Eng achinarlisi, qanchadan-qancha xonadonlarda norasidalar nogiron tug'ildi. Ko'plab oila boshliqlari "paxta ishi" tamgasi bilan mahkum etildi. Yo'qchilik, haqsizlik, mavhum kelajak — bularning barchasi o'zbek xalqi boshiga paxta yakkahokimligi yog'dirgan qora kulfatlar edi.

Afsuski, keyin ham milliy iqtisodiyotning o'sish dinamikasi, asosan, ushbu xomashyo yetishtirish ko'lami bilan bog'lanib qolaverdi. Yaqin-yaqingacha o'zbek xalqi katta-katta maydonlarda g'o'za o'stirib, rekord darajada xirmon ko'targanidan faxrlanib yurdi. Biroq bu O'zbekistonni taraqqiyot bobida yetakchi mamlakatlar safi sari yetaklay olmagani.

Nima uchun? Chunki yaqin yillargacha mirishkorlar yil — o'n ikki oy daladan beri kelmay, ming mashaqqat bilan yetishtirilgan paxtani xorijiy davlatlar arzon-garov sotib olib, qayta ishlab O'zbekistonga tayyor gazlama, kiyim-kechak sifatida qiymat narxlarida pullab keldi. Vaholanki, mamlakatda paxta xomashyosi yetishtirish va unu chiqarib qayta ishlash salohiyati shunchalik yuqoriki, har yili o'rtacha 1 million tonnadan ortiq to'lani chuqur qayta ishlash evaziga 25 milliard dollardan ortiq qo'shimcha qiymat yaratish mumkin.

Gapning sirasini aytganda, ushbu yo'nalishdagi ishlar uzoq vaqt mobaynida o'z holiga tashlab qo'yilgani, ilm-fandan yiroqlashilgani bo'is paxtachilikka ham, to'qimachilik tarmog'ida ham rivojlanish jarayoni juda sust kechdi...

Oq paxta "qora ro'yxat"dan chiqdi

O'zbek xalqining oq paxtasi "qora ro'yxat"ga kiritilgani ham yillar davomida soha rivojiga soya solib keldi.

Ma'lumki, o'zbek paxtasiga 2009-yilda ilk buyot e'lon qilina edi. Oradan bir yil o'tgach "Cotton Campaign" koalitsiyasining ushbu chaqirig'iga 60 dan ortiq kompaniyalar qo'shildi. 2022-yilga kelib esa o'zbek paxtasi boykotini yoqlagan xalqaro brend hamda riteylar soni 331 taga yetdi. Ular orasida "C&A", "Gap Inc.", "H&M", "Levi Strauss & Co.", "Tesco", "Walmart", "Nike", "Zara" kabi dunyo to'qimachilik bozorida yetakchi bo'lgan yirik brendlarning ham borligi o'zbek paxta-to'qimachilik sanoati va uning eksportiga salbiy ta'sirini o'tkazmay qoldirdi.

Prezident Shavkat Mirziyoyevning kuchli siyosiy irodasi tufayli inson qadri uning manfaatlarini har tomonlama himoyalashga qaratilgan islohotlar amalga oshirildi. Juda qisqa fursatda bolalar mehnati, ayollarni og'ir va xatari mehnatga jalb etish, majburiy mehnatning har qanday ko'rishlariga barham berildi. Bu "Cotton Campaign" koalitsiyasi tomonidan tan olindi va 2022-yilning 10-mart sanasida o'zbek paxtasiga nisbatan buyot bekor qilindi rasman ochiqdandi.

"Cotton Campaign" xalqaro koalitsiyasi vakillarining bir ovozdand aytilishicha, Prezident Shavkat Mirziyoyevning tashabbusi bilan qishloq

xo'jaligi sohasi, xususan, paxtachilikda ishlab chiqarishni tashkil etish va boshqarishning klaster usuliga o'tilgani eng to'g'ri yo'l bo'ldi.

Yana bir e'tiborli tomoni, qulay agrobiznes muhiti yaratilib, O'zbekistonda zamonaviy jihozlar va ilg'or texnologiyalar bilan ta'minlangan yirik korxonalar paydo bo'ldi. Ularda paxta tolasini chuqur qayta ishlash zanjiri yaratilib, barcha jarayonni kuzatish imkonini beradigan shaffof tizimga o'tildi.

Shu bilan birga, O'zbekistonda milliy qonunchilik takomillashtirilib, ular xalqaro standartlarga muvofiqlashtirildi. Aniqlanib, 2019 — 2021-yillarda 32 ta normativ-huquqiy hujjat imzolandi, Xalqaro mehnat tashkiloti va Xalqaro migratsiya tashkilotining qator konvensiya hamda bayonnomalari ratifikatsiya qilindi. Bolalar mehnatidan voz kechilib, taraqqiyotga tushov bo'lib kelgan paxta monokulturasiga barham berildi. Davlat rahbarining klaster g'oyasi yangi O'zbekiston qishloq xo'jaligida inqilobiy burilish yasadi.

Mamlakatda 800 dan ziyod agroklasteral, shu jumladan, 140 dan ortiq paxta-to'qimachilik klasterlari tashkil etildi. Pirovardida bugungi kunda paxta va g'allaning 100 foizi, meva-sabzavot mahsulotlarining 60 foizdan ko'prog'i aynan ular tomonidan yetishtirilayapti. Shubhasiz, bu — sohaga innovatsiyalar izchil qo'llanilayotgani, dehqon mehnati qadrlanib, moddiy manfaatdorligi ortib borayotgani, moddiy-texnika bazasi mustahkamlanib, dehqonchilik madaniyati yuksalayotgani samarasi.

2023-yili dala mehnatkashlariga 10,5 mingdan ortiq yuqori unumli texnika va agregatlar yetkazib berildi. Sohada raqamlashtirish jarayonlari tezlashib, tomchilatib sug'orish texnologiyalari tobora ommalashyapti. Sanoat yo'nalishida esa xomashyoni joyida chuqur qayta ishlash bo'yicha loyihalar

Xomashyo emas, tayyor mahsulot eksport qilinadi

Darhaqiqat, bundan atigi yetti yil avval qariyb 100-yillik agrar siyosatdan voz kechilib, taraqqiyotga tushov bo'lib kelgan paxta monokulturasiga barham berildi. Davlat rahbarining klaster g'oyasi yangi O'zbekiston qishloq xo'jaligida inqilobiy burilish yasadi.

2017-yil 14-dekabrda "To'qimachilik va tikuv-trikotaj sanoatini jadal rivojlantirish chora-tadbirlari to'g'risida"gi Prezident qarori bilan tarmoqni modernizatsiya va diversifikatsiya qilish asosida jadal rivojlantirish, paxta tolasini va ipak xomashyosini chuqur qayta ishlashni ta'minlash, tayyor mahsulot ishlab chiqarish va eksport hajmini keskin oshirish bo'yicha ulkan vazifalar belgilandi. Shuningdek, korxonalariga kredit, soliqliq va bojxona imtiyozlari, preferensiyalar berish tartibi ham mustahkamlandi.

2022-yil 14-dekabrda "To'qimachilik va tikuv-trikotaj sanoatini jadal rivojlantirish chora-tadbirlari to'g'risida"gi Farmonga ko'ra "Yo'l xaritasi" tasdiqlanib, to'qimachilikda yarimtayyor mahsulotlar ishlab chiqarish va eksport qilishdan voz kechildi. O'z navbatida xomashyoni chuqur qayta ishlash orqali yuqori qo'shilgan qiymatli mahsulotlar tayyorlash, bu bilan ichki

ijrosiga zo'r berilmoqda. Bu bejiz emas, albatta. Negaki, paxtachilikda asosiy daromad unu qo'shilgan qiymatga aylantirishdan keladi.

Buni qarangki, bir vaqtlar mamlakatda yetishtirilgan paxtaning bor-yo'g'i 8 foizi qayta ishlangan bo'lsa, bu ko'rsatkich hozir 100 foizni tashkil etadi. Binobarin, O'zbekistonda to'qimachilik tarmog'ini rivojlantirish uchun imkoniyatlar bisyor. Masalan, arzon va sifatli xomashyo yetishtirildi, ishchi kuchi yetarli, ishlab chiqarilayotgan to'qimachilik mahsulotlariga ham ichki, ham tashqi bozorda ehtiyoj katta. Qolaversa, ushbu sohani taraqqiy ettirish orqali milliy iqtisodiyotni mustahkamlash, eksport salohiyatini oshirish, aholi bandligini ta'minlash va kambag'allikni qisqartirish mumkin.

Shu bo'is islohotlarning yangi



bozor ehtiyojlarini to'la ta'minlash va xorijga sotish hajmini keskin oshirish vazifalari yanada aniqlashtirildi.

2019-yil 16-sentabrda imzolangan navbatdagi qaror "Yengil sanoatni yanada rivojlantirish va tayyor mahsulotlar ishlab chiqarishni rag'batlantirish chora-tadbirlari to'g'risida" bo'ldi.

Ushbu hujjatlar ijrosi doirasida tadbirkorlarni qo'llab-quvvatlash, ularga zarur sharoit yaratib berish, muhtasari aytganda, tarmoqni ravnaq toptirish bo'yicha ko'rilgan choralar natijasida to'qimachilik yo'nalishida 350 ga yaqin yirik fabrikalar faoliyati yo'lga qo'yildi. Ishlab chiqarish hajmi 2016-yildagiga nisbatan 5 barobar oshdi. Eksport esa 4 barobar o'sib, qariyb 3 mlrd. dollarga yetdi. Xususan, 2016-yilda eksportning 65 foizini kalava ip tashkil etgan bo'lsa, 2022-yilda uning tarkibida tayyor kiyimlar ulushi 35 foizga yetdi.

Statistik ma'lumotlarga qaraganda bu raqamlar yil sayin o'sib boryapti. Masalan, 2023-yilning o'n bir oyida to'qimachilik mahsulotlari eksporti tarkibida tayyor mahsulotlar ulushi 41,3 foiz bo'lgan. Bu — 1,2 mlrd. dollarlik kiyim-kechak va boshqa 626 turdagi to'qimachilik mahsulotlari dunyoning 63 ta davlatiga sotildi, degani.

Chuqur marketing va aniq strategiya

O'zbekistonning qulay geografik joylashuvi nafaqat Osiyo, balki Yevropa mamlakatlari bilan o'zaro manfaatli iqtisodiy aloqalarni rivojlantirish imkonini beradi.

Shu nuqtayi nazardan, keyingi yillarda Prezident Shavkat Mirziyoyev

"*Prezident Shavkat Mirziyoyevning kuchli siyosiy irodasi tufayli inson qadri uning manfaatlarini har tomonlama himoyalashga qaratilgan islohotlar amalga oshirildi. Juda qisqa fursatda bolalar mehnati, ayollarni og'ir va xatari mehnatga jalb etish, majburiy mehnatning har qanday ko'rinishlariga barham berildi. Bu "Cotton Campaign" koalitsiyasi tomonidan tan olindi va 2022-yilning 10-mart sanasida o'zbek paxtasiga nisbatan buyot bekor qilindi rasman ochiqdandi. "Cotton Campaign" xalqaro koalitsiyasi vakillarining bir ovozdand aytilishicha, Prezident Shavkat Mirziyoyevning tashabbusi bilan qishloq xo'jaligi sohasi, xususan, paxtachilikda ishlab chiqarishni tashkil etish va boshqarishning klaster usuliga o'tilgani eng to'g'ri yo'l bo'ldi.*"

olib borayotgan keng ko'lami industrial, integratsiyaviy, investitsiyaviy islohotlarda paxta xomashyosi eksportidan voz kechilmoqda. Bunga barcha hududda klaster tizimi samarali yo'lga qo'yilib, xomashyodan tayyor mahsulot ishlab chiqarish va eksport qilishga o'tilgani asosiy sabab bo'ldi. Natijada yengil sanoat korxonalar ilg'or texnologiyalar, malakali kadrlar bilan ta'minlandi. Ularda samarali boshqaruv tizimi joriy etildi.

Yana bir muhim fakt: hozir O'zbekiston to'qimachilik sohasida band bo'lgan ayollar soni bo'yicha boshqa mamlakatlar, jumladan, Hindiston, Bangladesh va Pokistonga nisbatan yuqori ko'rsatkichga ega. Bu esa raqobatda ustunlikni ta'minlovchi imkoniyatdir.

Ayni paytda O'zbekistonda 7 mingdan ziyod to'qimachilik korxonalari mavjud. Shu yo'nalishdagi 160 ga yaqin kompaniyalar Janubiy Koreya, Hindiston, Singapur, Germaniya, Shveysariya, Italiya, Yaponiya, AQSH kabi davlatlar investitorlari ishtirokida tashkil qilingan. Bu ham mazkur soha istiqbolli ekanidan dalolat beradi.

2022 — 2026-yillarga mo'ljallangan Yangi O'zbekistonning taraqqiyot strategiyasida to'qimachilik sanoati mahsulotlari ishlab chiqarish hajmini 2 barobarga ko'paytirish strategik maqsad sifatida belgilangan. E'tiborlisi, bunga erishish uchun to'qimachilik bozorida chuqur marketing tadqiqotlari

olib borilib, ishlar shu asosda tashkil etilayotgani diqqatga sazovor.

Yevropa bozori sari yo'l

Ayonki, dunyo bo'yicha tayyor kiyim, to'qimachilik mahsulotlarining asosiy iste'molchisi Yevropa Ittifoqi hisoblanadi. Hozir O'zbekiston ayni shu jabhada "ko'hna qit'a"da o'z o'mini topib bormoqda. Agar mamlakat to'qimachilik korxonalarini Yevropa bozorlari uchun innovatsion marketing strategiyalaridan foydalansa, eksport ulushini bir necha 10 barobar oshirish imkoniyati mavjud. Bu shunchaki gap emas, aksincha, iqtisodiy tahillarga asoslangan prognozdir.

Shuning uchun O'zbekiston Yevropa Ittifoqiga eksport hajmini ko'paytirish borasida yana bir qator masalalarga alohida ahamiyat qaratmoqda. Elektron tijoratni rivojlantirish shulardan biri. Bu, avvalo, mintaqa bozorlarini o'rganish imkoniyatini kengaytiradi. Qolaversa, eksport bazasini diversifikatsiya qilish, yangi bozorlarni o'zlashtirishda qo'l keladi.

Aytish joizki, tikuv-trikotaj mahsulotlari ishlab chiqaruvchi mahalliy korxonalarining Yevropa mamlakatlari bozorida joy egallashida



Yevroitifoqning barqaror rivojlanish va samarali boshqaruv bo'yicha maxsus preferensiyalar tizimi (GSP+)ning roli katta. Chunki u rivojlanayotgan davlatlar eksportini qo'llab-quvvatlashga qaratilgan umumiy imtiyozlar tizimi bo'lib, eksportchilarga bojxona tariflarida yengilliklar berishni ko'zda tutadi. Boshqacha aytganda, rivojlanayotgan mamlakatlardan taraqqiy etgan davlatlarga sotiladigan tovarlarga bojxona imtiyozlari taqdim qiladi.

"GSP+" nafaqat eksport hajmini oshirish, balki mamlakatning turlu sohadardagi faoliyatini takomillashtirish, zamonaviy standartlar va texnologiyalarni joriy etish, zarur bilim va ko'nikmalarni egallash, talab qilinadigan sifat darajasini ta'minlashga yordam beradi. Ya'ni mahsulot ishlab chiqarishni tashkil etish va eksport qilishga o'z yondashuvlarini o'zgartiradi.

2021-yilda O'zbekistonning "GSP+" benefitsiari sifatida qabul qilinishi hukumat tomonidan amalga oshirilayotgan islohotlar, xususan, ishlabchilik muhiti, sud-huquq tizimi, mehnat sharoitlari, ma'muriy javobgarlik va samaradorlikni yaxshilash bo'yicha olib borilayotgan islohotlar natijasidir. Bu ham ijtimoiy-iqtisodiy va mehnat sohasida izchil ijobiy rivojlanishdan dalolat beradi.

"GSP+" tizimi qo'llanilishi bilan 2021-yilda eksport hajmi 142,1 mln. dollarni tashkil etgan bo'lsa, 2022-yilga kelib 240 mln. dollardan oshdi. Bu tizimdan samarali foydalanishda

Xulosa o'rinda aytganda, O'zbekistonda 2017 — 2021-yillarga mo'ljallangan beshta ustuvor yo'nalishdan iborat Harakatlar strategiyasi doirasida to'qimachilik sanoati uchun muhim strategik maqsadlar amalga oshirildi. Galdagi ustuvor yo'nalish esa 2022 — 2026-yillarga mo'ljallangan Yangi O'zbekistonning taraqqiyot strategiyasida ko'zda tutilgan vazifalarning izchil ijrosini ta'minlashdir. Xususan, to'qimachilik sanoatida milliy va xorijiy brenddagi tayyor mahsulot eksporti hajmini 5 mlrd. AQSH dollariga, sohada ish o'rnlari sonini 570 mingga, sun'iy to'lani qayta ishlash hajmini esa 200 ming tonnaga yetkazish maqsad qilingan. Bu esa istiqbolida o'zbek milliy brendlarini jahon brendiga aylantirish imkonini berishi muqarrar.

O'zbekiston o'z eksport portfelini jiddiy ravishda diversifikatsiyalashtira intilyapti. Chunki faqat to'qimachilik mahsulotlariga tayanish uning eksport sektoriga to'stinlik qilishi mumkin, bu esa savdo balansida muammolarni keltirib chiqaradi. Dasturga to'liq a'zo bo'lgan davlat Yevropa Ittifoqi bozorlariga 3 mingga yaqin mahsulotlarni bojxona to'lovlarisiz, 3200 turdagi mahsulotlarni esa pasaytirilgan stavkalar bo'yicha eksportga chiqarish imkoniyatiga ega bo'ladi.

Raqobatbardoshlikni oshirish yo'lida yangi bosqich

Bugungi kunda O'zbekiston — Yevropa Ittifoqi iqtisodiy va savdo munosabatlarida muntazam o'sish tendensiyasi kutilyapti. Masalan, umumiy tovar ayirboshlash hajmi o'tgan 25 yilda salkam to'rt barobar ko'paygan. Biroq ikki tomonlama savdo aloqalari imkoniyatlari keng bo'lsa-da, Yevropa Ittifoqining umumiy tashqi savdo aylanmasida O'zbekistonning ulushi 0,1 foizdan oshmaydi.

Vaholanki, "GSP+" tizimi O'zbekiston to'qimachilik mahsulotlarini aholisi 50 million kishidan ko'p eng yirik bozor hisoblangan Yevropa mamlakatlarga eksport qilish hajmini oshirishi, ishlab chiqarilgan 6200 turdagi tovarlarni bojxona bojlarisiz eksportga chiqarish imkoniyatini taqdim etdi. Demak, imtiyozlar tizimiga ega bo'lish tashqi savdo o'z-o'zidan rivojlanadi, degani emas ekan. Eksport hajmini oshirish uchun Yevropa bozoriga mos keluvchi maqsadli mahsulot turlarini aniqlash hamda diversifikatsiya strategiyasidan foydalanish lozim.

Sir emas, Yevropa bozori uchun barcha mamlakatlar doimiy ravishda raqobatlashib keladi. To'qimachilik mahsulotlari bo'yicha Yevropa Ittifoqi mamlakatlari bozorida Hindiston, Xitoy va Bangladesh yetakchi hisoblanadi. Biroq O'zbekistonda to'qimachilik, tikuv va trikotaj mahsulotlari tovarlari assortimentning ayrim guruhlari uchun ustunlik mavjud. Shu ma'noda, O'zbekiston tegishli tovar kategoriyalari bo'yicha mavjud ulushni saqlab qolgan holda bir qator ijobiy natijalarga erishishi mumkin. Buning uchun Yevropa bozorlarida to'qimachilik, tikuv-trikotaj mahsulotlariga bo'lgan talabni baholash, import hajmini prognozlash orqali istiqbolni aniqlash zarur.

Mahsulot turlari bo'yicha tahlil qiladigan bo'lsak, kalava ip, gazlama, trikotaj mato va paypoq mahsulotlarini ishlab chiqarish, uy-ro'zg'or buyumlari va boshqa talabga qarab eksport hajmini oshirish maqsadga muvofiq. Qisqacha aytganda, Yevropa mamlakatlari O'zbekiston imijini oshirishga yordam beradigan marketing vositalaridan samarali foydalanish lozim.

Yerji Miroslav GAVRISYAK,
"Petromaruz Uzbekistan"
bosh direktori maslahatchisi.

REKLAMA

QADR TOPMAGAN FIDOYILIK

Xo'sh, Sahob Rashidov kim edi? Mustahab tuzum uchun uni "sindirish" nega kerak bo'lib qoldi? Bugun ana shu haqda fikrlashamiz.

Avvalo, shuni e'tirof etish kerakki, Sahob Rashidov — davlat rahbarining shunchaki ukasigina emas, balki chuqur bilimli ziyoli, prokuratura sohasida o'zining yuksak salohiyati, iqtidor bilan yorqin iz qoldirgan shaxs sifatida tariximizga muhurlangan inson edi. Uning jonkuyarligi, vatanparvarligi har birmizga o'rnak bo'la oladi.



ketadi. Ikkinchi jahon urushining boshlanishi va Germaniyaning sobiq Ittifoqqa hujumi prokuratura organlarida xizmat qilayotgan ko'plab xodimlarni ham jang maydoniga oltantirdi.

Sahob Rashidov bilan bog'liq haqiqatlarni aytmoqchi bo'lsak, gapni avvalo, 1973-yilning dekabr oyidan, ya'ni Jizzax viloyati tuzilishidan boshlash kerak. O'zbekiston prokuraturasi 1974-yil 13-fevraldagi 76-sonli buyrug'iga asosan Jizzax viloyati prokuraturasi tashkil etildi.

Shu tariqa 11 tuman va 1 shaharni o'z ichiga olgan Jizzax viloyati prokuraturasi o'z faoliyatini boshladi. Bu tizimda ko'plab malakali xodimlar qonunchilikni mustahkamlashga munosib hissa qo'shib, tarixda yorqin iz qoldirgan shaxslar mehnat qildi. Ulardan eng yorqini — Sahob Rashidov edi.

U 1921-yilning 23-sentabrda Samarqand viloyatining Jizzax tumanidagi Oxunboboyev qishloq sovetida kolxozchi oilasida tug'ildi. Bu oila farzandlari keyinchalik davlat rahbari, akademik va huquqshunos bo'lib yetishib, yuksak mas'uliyatli vazifalarda ishladi.

U 1929 — 1936-yillarda 7 yillik Narimonov nomli maktabni, 1939-yilda Jizzax pedagogika bilim yurtini tamomlagan. 1939-yilda ko'ngillilar qatorida harbiy xizmatga

rahbar xodimlarini tayyorlash kursida tahsil oladi.

Prokuratura organlarida mehnat faoliyatini 1944-yildan Jizzax tumani prokurorining yordamchisi, 1947-yildan G'allaorol tumani prokurori, 1952-yildan Buxoro viloyati prokurorining o'rinbosari, 1953 — 1956-yillarda Buxoro viloyati prokurori, 1957 — 1959-yillarda O'zbekiston SSR prokurorining o'rinbosari, 1959 — 1962-yillarda O'zbekiston SSR prokuraturasi bo'lim boshlig'i, 1962-1963-yillarda Xalq

bo'lib, aybsiz aybdorlardan iqrulik ko'rsatmalarini olish maqsadida yuzlab qarindoshlari, qo'shnilari va hatto tanishlarini qamoqqa tashlab, qiynoqqa duchor qildilar. Bu siyosat Rashidovlar sulolasini ham o'z domiga tortdi.

Hattoki, Sharof Rashidov vafotidan keyin ham uning yaqinlari, oila a'zolari uchun tazyiq va zo'rovonliklar, jabr-sitamlar to'xtamadi. Qatag'on siyosatining jabrini tortganlar qatorida halol ishlab fidoyilik ko'rsatgan Sahob Rashidov ham bo'lib, uning tahlikali

g'ururimizni saqladik, vijdon va iroda kuchiga tayanib yashadi, uning maslahatlariga doim amal qildik.

Hayotning mohiyati, qadr-qimmati — qanday yashamoqlikda. Shu ma'noda aytganda, Sahob Rashidov o'zining turmush o'rtog'i Xursanoy Rashidova bilan uch qiz va uch o'g'lini tarbiyalab voyaga yetkazdi. Ularning tarbiyasi, jamiyatda o'z kasbi va o'rniga ega bo'lishda nihoyatda e'tiborli bo'lishdi. Farzandlari Dilbarxon — pedagog, Farog'at — shifokor, Vahob — biolog, Po'lat va Shuhrat — muhandis, Nargiza — huquqshunoslik kasblarida halol faoliyat yuritishdi.

Juda murakkab va og'ir yillarda yurtimiz taraqqiyoti yo'lida mehnat qilgan, ibratli umri va fidoyiligi uchun ko'plab orden va medallar, davlat mukofotlari bilan taqdirlangan Sahob Rashidov 1986-yil 22-oktabrda vafot etdi.

Sohibqiron Amir Temur bobomizning "Qayerda qonun hukmronlik qilsa, o'sha yerda erkinlik bo'ladi" degan o'g'iti sharqona huquqiy davlat qurishda asos vazifasini o'taydi. Bu hikmat bugun ham o'z mazmun-mohiyatini yo'qotmadi. Prokuratura organlari inson huquq va erkinliklari, davlat va jamiyat manfaatlarining haqiqiy himoyachisi, qonun ustuvorligi va adolat tantanasi yo'lida faoliyat yurituvchi tizim sifatida shakllandi.

Sohibqiron Amir Temur bobomizning "Qayerda qonun hukmronlik qilsa, o'sha yerda erkinlik bo'ladi" degan o'g'iti sharqona huquqiy davlat qurishda asos vazifasini o'taydi. Bu hikmat bugun ham o'z mazmun-mohiyatini yo'qotmadi. Prokuratura organlari inson huquq va erkinliklari, davlat va jamiyat manfaatlarining haqiqiy himoyachisi, qonun ustuvorligi va adolat tantanasi yo'lida faoliyat yurituvchi tizim sifatida shakllandi.

nazorati qo'mitasi raisining o'rinbosari kabi lavozimlarda samarali faoliyat olib borgan.

U prokuratura tizimining qaysi bo'g'inida ishlamasin, o'z xalqi va Vatanga sadoqat bilan mehnat qilish, farzandlarini to'g'riso'z, adolatlil, el-yurt koriga yaradigan insonlar etib tarbiyalash, jamoada, el-yurtda yaxshi nom qozonishni o'yladi.

O'tgan asrning 80-yillari o'rtalariga kelib, sovet hukumati o'zbek xalqi boshiga yangi musibatlarini soldi. "Paxta ishi", "o'zbeklar ishi" nomi ostida boshlangan qatag'onning yangi to'liqini respublikadagi turli rahbarlik lavozimlariga markazdan tayinlangan kadrlar hukmronligi ostida nihoyatda avj oldi. G'dlyan va Ivanov kabilar uchun bu ayni muddao

yillardagi holati haqida kenja qizi Nargiza shunday hikoya qiladi:

— Dadajonim beg'ubor, qalbi pok, mehribon, sofild inson bo'lgan. 20 — 25 yoshdalgimda oilamiz va sulolamiz uchun qiyin, og'ir kunlar o'tdi, ko'p nohaqliklarga bardosh berishimizga to'g'ri keldi. Rashidovlar sulolasiga O'zbekiston Kompartiyasining XVI plenumida "xalq dushmani" degan vorliq yopishtirildi. O'sha mash'um kunlarni hozir ham eslashni xohlamayman. Dadajonim onam va biz bilan birga juda ko'p suhbatlar qilgan edi. "Hech kimga ishonma, faqat o'zingga ishon, doimo to'g'ri bo'lgin! Bu so'zlar hech qachon yodlaringdan chiqmasin! Kamtar va vijdonli bo'linglar!" deya ta'kidlar edi u. Dadamga o'xshab



YUNUS RAJABIY NOMIDAGI O'ZBEK MILLIY MUSIQA SAN'ATI INSTITUTI QUYIDAGI KAFEDRALAR BO'YICHA LAVOZIMLARGA TANLOV E'LON QILADI:

Maqom cholg'u ijrochiligi kafedrasida — katta o'qituvchi (1), dotsent (1);

Maqom xonandaligi kafedrasida — o'qituvchi (2), katta o'qituvchi (1), dotsent (1);

Doston ijrochiligi kafedrasida — katta o'qituvchi (1);

Bastakorlik, kompozitorlik va umumiy fortepiano kafedrasida — kafedra mudiri.

Tanlovda ishtirok etish uchun da'vogarlar quyidagi hujjatlarni taqdim qilishlari lozim:

- rektor nomiga ariza;
xodimlar shaxsiy varaqasi;
oliy ma'lumoti, ilmiy darajasi, ilmiy unvoni haqida diplom va attestatlar nusxalari;
o'quv-uslubiy, ilmiy tadqiqot va ilmiy-ijodiy ishlar ro'yxati;
mutaxassislik bo'yicha oxirgi uch o'quv yilida malaka oshirganligi to'g'risidagi guvohnoma va sertifikatlar nusxalari.

Arizalar e'lon chiqqan kundan boshlab bir oy muddat ichida Yunus Rajabiy nomidagi O'zbek milliy musiqa san'ati institutining xodimlar bo'limi tomonidan qabul qilinadi.

Manzil: Toshkent shahri, Mustaqillik shohko'chasi, 31-uy. Yunus Rajabiy nomidagi O'zbek milliy musiqa san'ati instituti.

Telefonlar: 71-237-35-75, 90-976-12-29.

ISLOHOTLARDA FAOL ISHTIROK ETAMIZ

O'zgarishlar hech kimni befarq qoldirmayapti

G'afur MATKARIMOV, Toshkent shahri, Bektemir tumanidagi "Musaffo" MFY raisi: — Yangi O'zbekiston taraqqiyotining bugungi bosqichida har bir yil ulkan dastur



va loyihalarni amalga oshirish, yurtimizni ravnaq toptirish bo'yicha yangidan-yangi yutuqlar, bilim va tajribalar davri bo'layotir. O'zbekiston mahallalari uyushmasi ta'sis konferensiyasi ishtirokchilarining mahallalar faollariga murojaatini o'qib, bunga yana bir bor amin bo'ldik.

Darhaqiqat, mahalla tizimi bosqich-mbosqich rivojlantirilmoqda, mahallaning nufuzini oshirish, uning xalq bilan davlat o'rtasida ko'priq vazifasini o'tashi uchun barcha huquqiy asoslar yaratildi, unga qo'shimcha kuch, imkoniyatlar berilyapti. Ushbu vakolatlar zamarida ulkan mas'uliyat va javobgarlik mavjudligini his etyapmiz.

Bugun mahallamizda o'zini mahalla hayotiga, el-yurtimiz taqdiri va kelajagiga daxldor deb bilgan odamlar ko'p. Aytmoqchiman, mahalla tizimidagi o'zgarishlar ularning hech birini befarq qoldirmayapti.

Shu nuqtai nazardan, murojaat mazmunini faollarimizga ham yetkazish maqsadida davra suhbatlari uyushtiryapmiz. Ularda nuroniy

otaxon va onaxonlar, imom-xatib va otinoyilar, ziyolilar, ibratli oila vakillari va saxovatpesha tadbirkorlarimiz ishtirok etishyapti. Zero, milliy ma'naviyatimizga qaratilgan buzg'unchi harakatlarga qarshi kurashish va mahallada axloqiy-tarbiyaviy muhit barqarorligini ta'minlashda ularning tajribasi va ko'magi bizning asosiy qurolimizdir.

Mahallaning qurbi yetmaydigan ishning o'zi yo'q

Saodat ALLAYAROVA, Samarqand viloyati, Bulung'ur tumanidagi "Mingchinor" MFY raisi: — O'zbekiston mahallalari uyushmasi ta'sis konferensiyasida ishtirok etarkanman, xayolimni yaqin o'tmish xotiralari chulg'adi. Ochiq aytish kerak, ilgari mahalla bilan hozirgisining yer bilan osmoncha farqi bor. Bilasizmi, oldinlari maqsadimiz aniq bo'lsa-da,



vakolatlarimiz cheklangan edi. To'g'ri, mahallalarda barcha soha va yo'nalishlar bo'yicha mahallabay, xonadonbay, oilabay ishlayapmiz, tizim ham amaliyotda o'zini oqladi. Lekin mahallaning qurbi yetadigan oddiy ish uchun ruxsat kutadigan paytlar ham bo'ldi.

Bugun mahallalarga yanada katta ishonch bildirilyapti. Zimmamizga qo'yilayotgan vazifalar yuki og'ir. Xususan, mahallaning aholiga ijtimoiy ko'mak

berish borasidagi vakolati kuchaytirildi. Endilikda "temir daftar", "yoshlar daftari" va "ayollar daftari" orqali ijtimoiy yordam ko'rsatish va subsidiyalarni ajratish "mahalla yetiligi"ning birgalikdagi qarori asosida amalga oshiriladigan bo'ldi. Bu esa "mahalla yetiligi" xodimlaridan yuksak bilim, salohiyat va mas'uliyat talab etadi.

Aslida mahallaning qurbi yetmaydigan ishning o'zi yo'q. Ammo qo'yilayotgan talablarga bugun har bir mahallada faoliyat yuritayotgan faollar javob bera oladimi, degan xavotirimiz ham bor edi. Joriy yil 29-yanvardan boshlangan va 25-fevralga qadar davom etadigan "mahalla yetiligi"ga kiruvchi mas'ullarni zamonaviy bilimlar asosida o'qitish tashabbusi xavotirimizni aritdi, desak, ayni haqiqat. Bu, shubhasiz, faoliyatimizni yanada samarali tashkil qilishimizga yordam beradi.

Hamkorlik asosiy shiorimiz bo'ladi

Mahmudjon MADMIMOV, Xorazm viloyati, Hazorasp tumanidagi "Buyuk siymo" MFY raisi:

— Murojaatda ta'kidlanganidek, mahalla tizimida bir qator yangilik va o'zgarishlar yuz bermoqda. Endilikda o'zini o'zi boshqarish organlarida soliqchi hamda ijtimoiy xodim ham qo'shilib, ish "yettirik" tarzida olib boriladi. Tabiiyki, mahalla faollarining zimmasidagi mas'uliyat yanada ortdi.

Shundan kelib chiqib, bizning fuqarolar yig'inida yana bir amaliyotni joriy etishga kelishib oldik. Dastlab murojaatda bayon qilingan har bir ustuvor yo'nalish bo'yicha ish rejasini tuzdik. Uning doirasida "mahalla yetiligi" amalga oshirgan ishlar haqida har chorakda aholi oldida hisobot berib boradi. Shu tariqa fuqarolar murojaatda keltirilgan vazifalarning bajarilishi bo'yicha yig'in faollari qanday ish olib borayotganidan



muntazam xabardor bo'ladi. Ya'ni "mahalla yetiligi" faoliyatiga odamlarning o'zi baho beradi. Qolaversa, e'tibordan chetda qolgan masalalar o'rtaga chiqadi, yechilmay qolayotgan muammolarga birgalikda yechim topiladi. Asosiy, mahallamizda jamoatchilik nazorati ta'sirchanligini shu yo'sinda oshiramiz.



Barchamiz bir haqiqatni yaxshi tushunamiz, belgilab olgan rejalarni amalga oshirish, albatta, oson bo'lmaydi. Hali faqat qog'ozda bo'lgan rejalarni amaliy ishlariga, real natijaga aylantirish uchun barchamiz birgalikda qattiq mehnat qilishimiz kerak. Bu yo'lda bizga g'ayrat va shijoat beradigan beqiyos bir kuch-qudrat borki, biz unga tayanib o'z maqsadlarimizga, albatta, yetamiz. Bu — Prezidentimizning yuksak ishonchi va e'tibori. Zero, yangi O'zbekiston taraqqiyotiga hissa qo'shish biz uchun sharaflar, qolaversa, fuqarolik burchimizdir.

Orzuimiz maqsadga aylandi

Bahodir KAMOLOV, Toshkent viloyati, Chinoz tumanidagi "Yangi hayot" MFY raisi:



Bugun hukumatimiz tomonidan mahalla idoralari faoliyatini rivojlantirishga qaratilayotgan yuksak e'tibor, ularga yaratib berilayotgan shart-sharoitlar, vakolat va imkoniyatlar natijasida mahalla idoralari yurtimizdagi eng xalqchil va kuchli tuzilmaga aylanib bormoqda. Xususan, shu yil 1-yanvardan boshlab tuman va shaharlarda "Mahalla budjeti" tizimi amaliyotga joriy etilib, uni shakllantirish manbalari ham aniq belgilab qo'yildi. Mahalla tizimining

moliyaviy jihatdan mustaqilligi esa aholi ehtiyoji va talablaridan kelib chiqqan holda muammolarni o'z vaqtida bartaraf qilish, hududni iqtisodiy va ijtimoiy rivojlantirishning istiqbolli rejalarini belgilashda muhim ahamiyat kasb etadi. Bu bilan orzularimiz maqsadga aylandi, desak, mubolag'a bo'lmaydi.

Hududimizda 600 ga yaqin oilalar — 2 ming nafardan ziyod aholi istiqomat qiladi. Tabiiyki, oilalarning barchasi ham to'kis emas. Elchilik, birida bo'lmasa, boshqasida yetishmovchilik kuzatiladi. Ilgari idoramizga bir ehtiyojmand katta umid bilan ko'mak so'rab kelsa, qo'limiz kaltaligidan xijolat bo'lardik. Unga yordam berish ilinjida homiy izlashga tushardik. Bu ish ancha vaqt talab qilardi.

Mahalla faollari aynan shunday sharoitda ishlab, uzoq yillar dardini ichiga yutib keldi. Endi o'z budjetimiz bor, maqsadimiz aniq. Undan oqilona va adolatli foydalanamiz. Bunga faollar yig'ilishida ham alohida e'tibor qaratyapmiz. Faoliyatimizni xayrli amallar bilan takomillashtirishda konferensiya ishtirokchilarining mahalla faollariga murojaati asosiy dasturilamal bo'ladi. Negaki, unda oldimizda turgan muhim vazifalarga katta e'tibor qaratilgan.

Farhod ESONOV ("Xalq so'zi") yozib oldi.

Footer containing Xalq so'zi Narodnoe slovo, Muassislar: O'zbekiston Respublikasi Oliy Majlisi Qonunchilik palatasi Kengashi, Bosh muharrir O'tkir RAHMAT, and contact information including phone numbers and website details.